



Nunavut Tunngavik Timingat. – Nunataakataohimajotaoyonut Titikaniikataojotitigot Naonaigotighak

Pihimaligongni nutaak tunggoyomayok nunataakataohimajotigiyaknot nalonaipkotigiyaghat titigakakvikmit, ehomalikniaktotit kanoktot atokniagiakhaanik. Here is a description of some of the benefits to which Nunavut Inuit are entitled to as cardholders under the Nunavut Agreement.

Nunavunmi Eningnitokaknut Ekayootaoyok

NTI-kot Nunavunmi Eningnitokaknut Ekayoohiagotaovaktonut Atoktaat tatkihiot naatagaagat manighaotaovaktuk ekayootaoyoghak Nunavunmi Inuinnait eningniginnut niovgotigivaklogo ehagiagiyamingnik okkookmiovighailioktonollo. Tatkihiot naatagaagat iningnit manighakpakniaktot enoohimayonut Kolaisimavikmi 31, 1948-gotillogo taimani. Kinalikaa inuinnak okiokalkhimayok 55-nik 2003 anigokhimaliktillogo manighaktolimaituk pikoyalioktaohimayuk imaa okakhimakmat, manighaktokniaktut kihimi enoohimatoagomi Kolaisimavikmi 31, 1948 hivoaniloniit. Manighaagoyoghat alatkiiktot imaa \$90-taalamit \$150-taalamot tatkihiok tamaat. Maniit pihimayot Kaanatap Kavamainit Nunavunmik Nunataagotaoyokot Anggikatigiigonmot pihimaploni. Oma ataani naonaigotighat manighaagoyoghanot atoklogit kanga okiomi kinalikaa enoohimangmagaat:

Okiok Enoohimaviat	Tatkihiot Tamaat
1944-mi hivoaniloniit	\$150
1945-mi	\$135
1946-mi	\$120
1947-mi	\$105
1948-mi	\$90

Uqqujjaut Innarnut – Eningnitokaknut Ekayootaoyok

Nunavut Tunngavik Timingat (NTI-kot) tilihivut tamainnik Enotkoanik Akoaktoniklo titikanik togiotini holi tohininggitut eningnitokaknut ekayoohiagotighanik tainikaktuk imaa Uqqujjaut Innarnut – Eningnit Ekayoohiagotighait. NTI-kot hamna atoliktinmajok Aktopami 2020-niottilllogo NIT-kot Katimavikyoagotigiyamingnik okiaghak ekaluktutiami. Omani ekayoohiagotighatigot piyaghat, tamangmik Nunavunmi Inuinnait enoohimayut tatkihiotmi January 1-mi, 1949-gotillogo taimaningnoktok ovalo Kolaisimavikmi 31-mi, 1955-gotillogo manighaktoinagalakiyot tatkihiot tamaat 120-taalamik eningnitokaknut ekayootighamik.

Eningnit Enooviat okioni	Tatkihionmi Kinggolikmi Manighaagoyut	Nutaat Tatkihiotitigot Manighaagoyoghat
January 1, 1949 Kolaisimavikmi 31, 1955	0	\$120

January 1, 1948 Kolaisimakvikmi 31, 1948	\$90	\$120
January 1, 1947 Kolaisimakvikmi 31, 1947	\$105	\$120
January 1, 1946 Kolaisimakvikmi 31, 1946	\$120	\$120
January 1, 1945 Kolaisimakvikmi 31, 1945	\$135	\$135
January 1, 1944 Kolaisimakvikmi 31, 1944	\$150	\$150

Nunavunmi Anggonahoaktinut Ekayootighak

Nunavunmi Anggonahoaktinut Ekayootighak (NHSP-gonigaktaoyuk) ekayoohiagotaoyoghak ehagiatiyonut kitonotlikaa Inuinnaknut Nunavunmi angonahoalokaakpaktonut elitkohotikaktik atoklogit taimani pikohitakaktik aolaplagahoakhimmaagiagani atokhimmaaklogit ekayootaoyoghak anggonahootighamini pitjotigilogit aolakataotighaminik enoohitokaktik malikahimmaagomaplogo pihimayaangani,

Ona NHSP- gonigaktaoyuk ekayootaoniakmiyuk Nunalingnik anggonahoagojivaktunut aolaagotighakaligiaginni anggonahoagotigiyaghainik, anniktailijotigiyaghainiklo kanogiliyokakatloniit ekayoohiagotaoyoghak.

Elaiyaktonut Ekayootighak Tingmijotighainnik

Aviktohimayonit Inuit Katojikatiigiit (RIA-kot) Elaiyaktonut Ekayootighak Tingmijotighainnik Maningnik ekayootaoyoghak akiliotigilogo tingmijotaoyoghamik innuk malgoknut atolaaktuk elaiyaktokakat elivighinahanut talvaniikataoyaaginni naliannut Nunavunmi Nunaliinut.

Vootinagiakaktut ovalo/nigoagaghanggoktaoyomayonot NTI-kot Aviktokhimayonilo Inuit Katojikatiigiit Nigoaknakhitiyagaikpatigik

Nunavunmi Inuinnait titikaniikataoyot Nunavnmik Nunataagotaoyomot Anggikatigiigonmi okiakaliktonut 16-nik nigoakataongginnagiakalikniaktut nigoagaghanggotaoloniloniit NTI-konnut RIA-konnotlooniit niagoaknakhitiyagaikpatigik Elaiyaktonut Ekayootighak Tingmijotighainnik

Atoktaonighait Inuinnait Nunaitait

Amigaitut nakatait Nunavunmik Nunataagotaoyomot Anggikatigiigonmi okakhimayut Inuinnait Nunat Nanminigiyait piinnagiakaotigiplogillo hapkonongga nunanut. Inuinnait Nunat Nanminigiyait Nanminigilakiyait omoonna Nunavunmik Nunataagotaoyomot Anggikatigiigonmit. Nuna atikaktuk (nanminigiyayoyuk) monagiyaoplotik NTI-konnit okonanggalo Nunani Aviktokhimayoni Inuit Katojikatiigiinnit (RIA-gonigaktaoyot. Hamna nuna ekayoohiagotaohimayoghak tamainnut Inuinnaknut.

Nunavunmik Nunataagotaoyomot Anggikatigiigonmi okakhimayuk imaa Inuinnaingook nunat nanminigiyait ehoaghijotaoniaktut ehagiagihoigotigilogit oblomimot hivonighaptiknollo, Inuinnait piinnagiakaotigiyait nunat inmikot atoklogit manighiotigilogillo inmingnollo ayoghagoigotigilogit pihimajotigilikniaktait. Inuinnait piinnagialakiniaktut naliannik nunanik pilotik atogomayamingnik pihimayakaligiaginni immakaa hapkoningga;

- Niamgiyaagotigiliklogit, Nanigiaktokvighamiknik, Anggonahoalokaakvigiyaghamingniklo.
- Nunagiliklogit anggonahoalokaakvigilogit inuinalmiovigilogillo.
- Nuna pinniktuk takominagiyaoyoghak polaagaktonit Inuinnaonggittonillo anggonahoagomayonut opaktaagoyoghak.
- Nuna nalvaakhiokviyongnaktuk oyagakhiokvioloniloniit nalvaaghakakat.
- Nunami nanminiktovigilogo manighiokvighak havakviolikloniloniit.
- Nuna pimmagioyok Inuinnait taimani nunagivakhimayit pitkohitokaktigolo holilokaakvigiyaghatik.

Inuinait Anggonahoaginnagiakaotigiyaat

Nakataani 5-mi Nunavunmik Nunataagotaoyomot Anggikatigiigonmi piinnagiakaotigiyaat Inuinanknut kitonotlikaa katojikatigiinollo Nunavunmi amigaitonik anggonahoaginnagiakaotigiplogo. Amigaitut Inuit katojikatigiigoyollo naonaikhimanggitait anggiyut piinnagiakaotigiyaaghatik okagiikhimayut Nakataani 5-mi. Eniktaohimayuk Nunavunmi Anggotighaliginikot Maligak maligaghallo, kitonotlikaa anggotighaliginikot katojikatigiigoyonut hapkonongga HTO-konnot Aviktohimayonilo Anggotighaligiyaat Katojikatigiinnot (RWO-konnot) ayongnaigotigiyaat inmikot monaghiliknighamingnik atogomayamingniklo okakhimavok omani Nunavunmik Nunataagotaoyomot Anggikatigiigonmi.

Nakataa 23 – Kivgakyoiyut Havaagiyaat

Atoktaghak Nunavunmik Nunataagotaoyomot Anggikatigiigonmi Nakataani 23-mi naonaiyatiakhimayuk imaa: pivaaliktillogo tamainnut elaovaligiaginni nalianni Nunavut Kavamaini (GN) Inuit kivgaktoktikakoyahimplotik. Inuinnait amiktilaagit 85-posangonmat, havaakaktoghayoogaloit kavamani. Taimaahikhimaliknikat pinahoaktaghagiliktaa Kaanatap Kavamainit Nunavut Kavamainitlo Inuinnaknitlo pitagiyaonahoakloni. Pihimayaghakaliktut Inuinnaknik havaktighakhioknikok pikoyaghamingni Inuinnaknut Nunavunmi, 2006-gotillo tohaktaghanggoktitaohimayuk atoliktaoninggagot oma Nunavunmik Nunataagotaoyomot Anggikatigiigonmik, Ehoaghainahoakhimayuk Thomas Berger tiliokhogit Kaanatap Kavamait eniktigitkoplogit nutaanik atoktghanik Nunavunmi elihaktoliginik ehoaghivaalioatoyoghanik pivaaliktititkoiploni.

Titikanoktikataonik Inuinnait Nanminiktoknighaitigot

NTI-kot Havaktiit Pikoyalioknikot Opalonggaiyainighakollo monaigyait titikat Inuinnait nanminikaktonik, malikaplogo okakhimayuk omani Nunavunmik Nunataagotaoyomot Anggikatigiigonmi Nakataani 24-mi. Nakataani 24-mi pitkoihimayuk Nunavut Kavvaminik Kaanatap Kavamainiklo pivaaliktinnahoakhogit Inuinnait Nanminiktoktot elaovagiaginni Nunavunmi manigioknighap mighaanot kaantolaaktaghakaligaagat Kavamanit, Inuinnaitlo havaaghakakoplogit Nunavunmi Havakviyoni tamainni.

NTI-kot Inuinnait Nanminiktoktot Titikaniikataonighait atoktaghaoyok ekayoghiothimaligiagani tamagiknot Kavamanut pihimayakaligiagani okonongga Nunavunmi Nangminiqaqtunik Ikajuuti (NNI-gonigaktaoyok) Pikoyak eniktaohimayuk pihimatkoplogo oktootaoyoghak Inuinnaknut Nanminikaktonut kaantolaaktaghanit Kavamanit Hamilatkonnitlo nunalingnit. Kaanatap Kavamait pitkoyahimangmiyut takookoplogo Inuinnaknut Nanminiktoktonot titigak kaantolaaktaghanik hakyaiikhimanoaligaigomik Nunavunmionut.

Inuinnaknut Nanminikaktonut Titikaniitut hapkonangga atoktaogaaginnakmiyuk:

- NTI-kot oktokoplogit Inuinnaknut nanminikaktonut kaantolaaktaghakaligaikpat.
- Atuqtuarvik Corporatioin-kot ehomaghakhiotigivaktakhagiyait atoktitiyaamingni maningnik
- NTI-kot RIA-kollo Inuinnaknik havaktighaknahoakoplogit, ayokiktoipkailotiklo nanminiktoktiginhamik nunap atoktaonighaitigottraining laisikaktivigiamingni, akiliktoktaolotiklo nunamik atogomayonit nalvaaghioknighakot anggikatigiigotighanik Inuinait Ekayoohiagotigiaghaitigot Anggikatigiigotaoyokot.

Inuinnaknut Nanminikatonut titikaniikaot ayongnaikpaalioiyok Inuinait Nanminiktoktonut pinahoakpagiaginni kaantolaaktaghanik. Nanminiktogovit Inuinait Nanminikaktotigot, pimmagioyok titikanokataolotik. Okakvigijavatit NTI-kot Havaktiit Pikoyalioknikot Opalonggaiyainighakollo naonaikpaalikviginahoaklogit.

Piinnagialakijotighak Kolaknaijotikakgittotigot Anniaktoligiyinit Ekayoohiagotighat Kaanatap Kavamaita Ayoghaktoligiyiinit.

Piinnagialakijotighak Kolaknaijotikakgittotigot anniaktoligiyinit ekayoohiagotighat Nunavut Kavamaita Ayoghaktoligiyiinit. Titikaniikataoplani Nunavunmik Nunataagotaoyomot Anggikatigiigonmi haklovioknaipkotaoyok Inuinnaoyotit piinnagialakotigilogo piyaakni Kolaknaijotikakgittotigot Anniaktoligiyinit Ekayoohiagotighamik Nunavut Kavamainit. Ona aolapkaktaat Nunavut kavamainit.

Elihagiakpaaliknighamot Ekayootighak

Elihagiakpaaliknighamot Ekayootighak Nunavut Tunngavik Timingat Aviktokhimayonilo Nunani Inuit Katojikatigiigit pihimayaakamiyut haklovioknaipkotighanik pihimayaknik NTI-konnit Nalonaipkotigiyaknik. Piinnagiakakniagonakhiyotit Elihagiakpaaliknighamot Ekayootighanik hapkonangga:

- Nunavut Tunngavik Elihagiakpaaliknighamot Ekayootighak
- Jose Amaujaq Kusugak Elihagiakpaaliknighamot Ekayootighak
- QIA-kot onalo John Amagoalik Elihagiakpaaliknighamot Ekayootighak
- Anggoyokaap Elihagiakpaaliknighamot Ekayootighak
- Ukkusiksalik Elihagiakpaaliknighamot Ekayootighak
- Sakku Elihagiakpaaliknighamot Ekayootighak
- Elanggit Aoalkaktait nunani Aviktokhimayuni Inuit katojikatigiiginnit RIA-kot